


「獨」友「矮化」旺暴 「中箭」搶住吸「獨」票



林朗彥「本土派」抬高「港獨」主張。



網上截圖



網上截圖

區議會換屆選舉殺緊埋嚟，但反對派既所謂「光環」愈選愈有，唯有花式自製返界自己。就係《蘋果日報》將違法旺角暴亂扭曲為「年輕人為捍衛幾粒魚蛋犧牲美好年華」、想幫傳統反對派吸「獨」嘅時候，「中箭（香港眾志）」主席林朗彥亦爭埋一份，寫成幾百字質疑點解參加大前晚「港獨」集會嘅「獨人」，以至成個反對派要將件事「簡化」為「保護魚蛋檔」，而唔去講「港獨」，擺明想投「港獨」分子所好。不過，「獨人」袁健恩就留言寸爆，除咗將「中箭」最鍾意講嘅違法「佔領」擺嚟做比較外，仲寸佢與其笑「人」「打飛機」，不如自己都打少啲，認真啲去「溝女」咁話。

■香港文匯報記者 甘瑜

林朗彥前年6月接受傳媒訪問時，就已經扮晒係「本土民主前線」前發言人梁天琦「知己」咁樣，借有人作曲去「歌頌」梁天琦一事，隊班「港獨」分子根本唔明白對方嘅。但當時話，呢啲人咁樣做好可悲：「如果梁天琦在法庭所說的話出於真誠，那天他其實是迫於無奈、時勢或者他人的期待，必須做一件不符合他判斷的事。悲哀的是，仍有人捧他為英雄，卻不了解他真正的想法。……苛刻點說，這是浪費政治犯沒有的自由。」

上周五，《蘋果》想煽情兼漂白旺暴但結果俾人鬧爆嘅嘢圖，內容提到：「曾經有班人為捍衛幾粒魚蛋，犧牲咗人生中最美好嘅年華。」然後又有班「港獨」分子搞埋啲咩「毋忘義士」嘅活動。《蘋果》咁玩，都係想幫佢哋一直支持嘅傳統反對派爭返啲「港獨」分子嘅支持啫。

選舉票，身為一直刻意同傳統反對派隔開嘅「中箭」主席，林朗彥梗係即刻爆料，喺facebook度貼咗《蘋果》張圖嘅同時，話《蘋果》甚至大前晚搞「港獨」集會嘅「獨人」，都「矮化」咗旺暴咁話。

林朗彥首先話，自己當晚都係現場，嗰班被形容為「迫於無奈去防

衛」嘅「義士」，明明就係佢哋採取主動去引爆衝突。不過，呢個都唔係重點，重點都係唔可以將呢件本身想「港獨」嘅事講成咗幾粒魚蛋，然後將小販擺檔當成旺暴嘅「成果」。

林踩「本土派」忌諱「失敗」

佢聲言，旺暴入面仲有好多「真相」，包括「反撲國家機器」、「武力起事」同「港獨」嘅理念聯繫，佢仲請白啲反問：「在那個時空裡，一名擲磚的少年，手臂揮動著（着），腦袋裡想著（着）的會是一名小販嗎？」

講咗咁多去討「港獨」分子歡心，佢最後再踩多腳啲「本土派」一直「很忌諱『失敗』」，所以先將旺暴同夜墟政策措施扣埋一齊喇。

袁健恩拎「佔」寸林「唔認失敗」

睇住呢啲陰陽怪氣嘅「自決派」突然鬧「本土派」，袁健恩亦留言寸返佢轉頭。第一個留言就係針對佢句「本土派」一直「很忌諱『失敗』」去反問：「想清楚是『本土派』還是全個社運圈子。」

之後，佢又質問，旺暴有明確目標，點樣計都係「失敗」，兼擺埋

「中箭」最鍾意講嘅違法「佔領」出嚟講，話「佔領」爭取普選嘅明確訴求，但最終都唔成功，但成班人咪又成日落區話「佔領」「成功」，「這才是真正的承認失敗呀。」

擲掄林「打少啲飛機」

袁健恩似乎鬧開去條氣都未順，又再留言話擲掄林朗彥寸啲「本土派」搞集會係「打飛機」，但明明自己都不務「政」業，「粗皮（鄙）啲講，冇因味唯有打下飛機High囉，……希望大家都打少啲，認真真去『溝女』啦。」

不過呢，呢個世界冇人阻到「中箭」班人係咁博「港獨派」注意嘍，事關「中箭」秘書長河童（黃之鋒）前晚又喺facebook出文同「港獨」分子攀關係，首先要請自己坐過監先，之後就話估唔到放監之後香港政治形勢唔同咗，佢形容旺暴案入面班人係「政治犯」，睇返自己不足百日刑期唔算係咩嘢，但希望旺暴班人放監之後，對我們的付出，看到一個更有希望的香港。」

咁樣抽人哋坐幾年監嘅水，夾硬將人哋付嘅代價當做「光環」套埋落自己個頭度，河童又真係做得出嗰。

「獨男」跟蹤女途人 盤問拍片玩「公審」

特稿



跟蹤兼盤問，會唔會狼吞少少呀？

YouTube截圖 跟蹤兼盤問對方，甚至拍埋片想公審對方。點知網民似乎就唔buy佢，仲要鬧爆佢離晒大譜，分分鐘報埋警拉佢都仲得！

話對方有可疑 問對方住邊

話說網上流傳一段影片，一個參與完嘅香港大學舉行嘅旺暴3周年集會，網名叫「Tony_c」嘅男子，聲稱自己發現有個「可疑」女子在場拍攝參與者嘅「大頭相」，又話對方係集會完結，「大家收拾好後仍然在會場附近徘徊，非常可疑」咁話，所以就係集會後跟蹤對方到附近港鐵站。

佢仲突然喺港鐵月台度「盤問」該名女子參與集會目的，甚至問對方住邊。事後，該男子似乎就想公審，所以就將影片放上網，而嗰位俾佢騷擾者嘅樣貌清晰可見。據上載影片嘅用戶資料顯示，拍攝者曾參加過「本民前」梁天琦嘅造勢集會。

網民批跟蹤猖狂應報警

影片上載之後，諗住公審對方，點知就係俾網民公審返自己轉頭喇！「Yuk Kwan Lau」就覺得跟蹤行為已經可以報警拉得：「肯定犯法，如果係我，即打999，或附近有警察，即時報警處理，呢條『黃絲帶』人士將過程放上網，更加證據充足，去報警處理啦！」

佢質疑嗰個拍攝者：「光天化日三唔（唔）識七，你走埋呢（嚟）盤問我，重（仲）問我住在那（哪）裡！跟著（着）全個過程放上網！如果人人都係咁做！香港重（仲）有法治？」「Kasing Cheung」亦話：「盤問？癢（癢）左（咗）線呀以為自己係咩呀？」

「輪李」亦質疑嗰個拍攝者：「自己內心有鬼就永久都覺得任何人有可疑及被人跟蹤和監視！」「Jason Lee」就話：「連女人都嘍，佢係咪男人嘍？」「Kenny Koon」狠批道：「呢D（啲）就係佢地（哋）所謂既（嘅）民主、自由，實在不知所謂！」

話人哋集會時影大頭相，唔當場罵爆而係跟蹤，仲要問人住邊，條「獨友」會唔會係另有目的呀？「Sing Chan」就質疑道：「漂亮女士，有理由相信跟蹤（蹤）者藉口意圖不軌，小心啊！」「John Lemon」就挑戰對方：「點解唔盤下（吓）我嘅？好想再試下（吓）比（俾）人盤……一盤我就兜心口……」

集會被暴力對待嘅「時間香港」女記者睇完短片後就話「感到太恐怖」：「原來出席集會後會遭人盤問是否同道中人？是否記得出席演講者所講內容？盤問者有權去隨意騷擾一個旁觀者嗎？」

■香港文匯報記者 何西

「獨人」搞「非法集會」 網民促港大究責

「香港民族陣綫」、「學生動源」等「港獨」組織，連同多間大學的「獨莊」，包括香港大學學生會、中文大學學生會、理工大學學生會，大前晚在港大搞了個所謂「還原真相，毋忘義士」的活動，各「港獨」頭頭席間大放厥詞，又話武力佔領香港又話盛，唔少網民寸佢哋講就兇狠，只係想煽人衝自

■香港文匯報記者 陳川

網民寸爆「獨人」言論

- 公義未得到彰「顯」，所以要每年舉辦集會紀念被捕的「義士」，並希望「公義得到彰顯」，明年就毋須再搞集會。
- 網民寸爆：Pedro Ortega: 我只記得佢係搶的士撤退最快的人。
- Singer King: 講就巴閉，走就最快。
- 陳嘉偉: 唔語敢過羅湖橋，又唔語膽衝軍營同解放軍以死相搏，日日嗰度放嘴炮自high，成班傻仔圍爐取暖，仲講咩勇武抗爭？
- Kee Cyk: 還欠納稅人啲錢未？
- 網民寸爆：Tok Por Wong: 得把口，你可有為香港做過什麼事？肯為香港好而作出幾大程度的犧牲？你用什麼去支持你的謬論/歪理？
- Kw Hui: 政府用納稅人嘅錢資助大學生，係為咗育賢才未來社會英才，吾（唔）係養虎為（遺）患、窩藏漢奸。
- Leung YK: 播「獨」嘅學生，理應革除學籍。政府、學校點解唔做嘢。
- 網民寸爆：Sam Lam: 好呀！幾時開始記得通知聲嗎！唔好到時又龜宿（縮）咗喎！
- Betty Shum: 得把口。當年王（黃）台養（仰）仲威過你啦，寧為玉碎不作瓦全，而（啲）家呢，縮條英國，唔敢見人。
- Carven Hui: 唔好只講唔做，必須身體力行走在最前線，千其（祈）唔好話住推人去死然後自己收錢去外國嘆（歎）世界。
- Kuen Kuen Ng: 佢講，叫你做……
- 網民寸爆：Jack Koo: 唔該多謝練總，害到天真青年入獄，當他們是實驗品試吓武力對抗政權後果，青年入世未深被佢老點。
- Dante Ma: 梁（天琦）一直自詡自己面臨十年刑期，如今打了六折，更無認真交代查清他資金來源，不論係政府還是他本人也沒有認真交代。可憐當佢神咁拜的蠢材。

笑什麼？反對派都係文盲

「泛民可恥行為事件簿」fb專頁就上傳咗民主黨社區主任伍軒宏嘅橫額，將苦「候」寫成苦「侯」。

網上圖片

有時手民之誤嘅好難避免嘅，但反對派一執到建制派橫額有錯字，就侮辱人係文盲，咁如果用同樣嘅標準，但哋嘅橫額出現錯字，但哋係咪應該出嚟「自首」話自己都係文盲？「泛民可恥行為事件簿」fb專頁就上傳咗民主黨社區主任伍軒宏嘅橫額，將苦「候」寫成苦「侯」。所謂剃人頭者人亦剃其頭，專頁就嘅帖文擲掄伍軒宏「字都唔識多個，真係笑大人個口！重複犯錯極低能」。

■香港文匯報記者 陳川

今日香港天氣預測

2019年 2月11日 星期一

部分時間有陽光，早上清涼

氣溫：16°C-21°C 濕度：65%-90%

漲潮：13:29(1.6m) 退潮：06:32(0.8m) 18:30(1.1m)

日出：06:58 日落：18:17

未來四日天氣預告

查詢天氣：1878200 查詢時差：10013或1000

日期	氣溫	濕度	天氣
12/2(星期二)	18°C-22°C	70%-90%	短暫時間有陽光
13/2(星期三)	19°C-24°C	70%-90%	短暫時間有陽光 晚上有薄霧及微雨
14/2(星期四)	20°C-24°C	75%-95%	部分時間有陽光 早晚有薄霧及微雨
15/2(星期五)	21°C-25°C	75%-95%	部分時間有陽光 早晚沿岸有霧

空氣質素健康指數

一般監測站#

明日上午：低

明日下午：低至中

路邊監測站*

明日上午：低

明日下午：低至中

1-3 低 一般空氣質素監測站

4-6 中 設於中西區、深水埗、東區、觀塘、葵涌、荃灣、大埔、沙田、東涌、元朗、屯門、塔門、將軍澳

7 高

8-10 中高

10+ 嚴重

中國各大城市天氣預測

北京	-8°C	3°C	多雲	呼和浩特	-15°C	-4°C	多雲	哈爾濱	-21°C	-8°C	多雲	廈門	12°C	20°C	多雲				
城市最低	最高	預測	西安	-6°C	4°C	天晴	長春	-17°C	-8°C	多雲	南寧	8°C	12°C	密雲	廣州	12°C	18°C	密雲	
大連	-6°C	1°C	多雲	合肥	-2°C	4°C	多雲	青島	-4°C	3°C	天晴	重慶	5°C	11°C	多雲	銀川	-4°C	8°C	多雲
上海	2°C	6°C	多雲	成都	0°C	10°C	多雲	武漢	-1°C	5°C	密雲	海口	21°C	27°C	多雲	鄭州	-10°C	4°C	天晴
天津	-5°C	4°C	多雲	長沙	0°C	3°C	有雨	拉薩	-6°C	8°C	多雲	桂林	2°C	6°C	有雨	濟南	-4°C	6°C	天晴
太原	-10°C	6°C	天晴	杭州	1°C	4°C	有雨	南昌	1°C	4°C	有雨	烏魯木齊	-17°C	-5°C	多雲	瀋陽	-17°C	-3°C	多雲
台北	16°C	19°C	有雨	昆明	5°C	21°C	多雲	南京	-2°C	4°C	多雲	貴陽	0°C	5°C	有雨	蘭州	-6°C	11°C	天晴

世界各大城市天氣預測

馬尼拉	25°C	33°C	毛雨	歐洲	倫敦	7°C	8°C	有雨	多倫多	-10°C	-4°C	多雲
曼谷	25°C	34°C	雷暴	馬德里	6°C	13°C	天晴	芝加哥	-6°C	-2°C	有雨	
新加坡	25°C	32°C	雷暴	巴黎	2°C	11°C	驟雨	洛杉磯	8°C	13°C	有雨	
吉隆坡	24°C	33°C	雷暴	日內瓦	2°C	10°C	冰雹	莫斯科	-4°C	1°C	有雪	
河內	20°C	26°C	毛雨	米蘭	2°C	8°C	有雨	雅典	3°C	14°C	天晴	
東京	1°C	5°C	有雪	里斯本	11°C	17°C	明朗	紐約	-6°C	3°C	天晴	
首爾	-6°C	2°C	多雲	阿姆斯特丹	5°C	10°C	有雨	溫哥華	-8°C	-2°C	有雪	
			悉尼	17°C	29°C	天晴	華盛頓	-5°C	4°C	多雲		
			墨爾本	15°C	27°C	天晴	三藩市	7°C	11°C	驟雨		
			檀香山	17°C	25°C	多雲						